

جلال نوری

تاریخ استقبال

۲
مجلس استقبالی

ترکر متردیمیدر ؟ — یکپردیکمز پر استحواله دوریمیدر ؟ —
أوروپانک نفوذ و حلولی . — مملکتتموک بلا محاربه فتح تدریجیسی . —
ممالک عثمانیه نك ابلک مقاسمه سی (۱۲۹۳) . — ایکنجی مقاسمه سی
(۱۳۳۰) . — ممالک عثمانیه نك صوگ مقاسمه سی احتمالی . —
عبدالحمید دوری حقنده بعض مطالعات . — تاریخده اتحاد و ترقی . —
استقبالده اتحاد و ترقی (سعید ، کامل ، ناظم پاشا و نورادونکیان
افندی) . — صوگ محاربه لردن صوکره مملکتتموک مدافعه سی . —
یونان دولت معظمه بحریه سی . — أوروبا موازنه سی . — ترکسکک
استقبالی (تورکچیلک) . — مسلمانلغک استقبالی (عرب مسئله سی) . —
عثمانیلغک استقبالی (ارمنی و کورد مسئله سی) . — مسئله اداره
(دولتک تکرار قورولماسی ، دولتک عمومی پلانی ، انقلاب قانونی) . —
معارف مسئله سی (ملاتک یتیشدیرلمه سی) . — انقلاب فکری . —
خاتمه : عزم و ارادت .

استانبول

بای عثمانی مطبعه و کتبخانه سی

هجری — ۱۳۳۱

فتح كلام

بو كيديش بويله اولماز . تدابير موقته ياره يه مرهم سورمك قيبيلندندر . بيوك خسته لقلر ايچون بيوك مداوات لازمدر . روحز تكامل ايمزسه جسممز سوزر . ملتتمزك سويه سي يو كسلمدكجه دولتمزك حيثيتي تزايد ايمز . بناء عليه انقلاب سياسيدن اول بر انقلاب روحي ، فكري ، حسي ، تربوي ، سچيوي و بديهي يه شدتله محتاجز . بوده اسلاميتي وضع اصليسنه ارجاع ايله اوله بيلير . آنك ايچون فقه و عقائدك بر نهج دين مابين تعديل و اساسات اسلاميه ارجاعي مسئله سني آثار متنوعه مده اورته يه قويمش ايدم . بر طوفان شتوم و تعريضه انتظار ايدر كن افكارم قرين تصويب اولدي . حتى باقيكز ، صوك اتحاد و ترقي قونغره - سنده كاتب عمومي فتح پك ايلري يه سورديكم بو اصلاحات اساسيه پروغرامني نصل بر لسان رسمي ايله صواب كورريور :

« . . . بر طرفدن غربك مآثر عرفاني آلتق ، ديكر طرفدن اجداديمزك فضائل بر كزیده سني محافظه ايتك ايسترز . بونك ايچون حيات اجتماعيه منري بر طرفدن اساسات مبجله دينيه يه ديكر طرفدن عصرك اجاباتنه توفيق ايتك لازمدر . ترقيات

خاتمه مقاله اتحاد و ترقى جمعيتنه ، كوستاو لوبونك
ايكى كوزل سوزيخى هديه ايده جكم :
« دوچار مناقشه اولان بر حكومت ، آرتق مطاع
بر حكومت اوله ماز . »
« دينلر كنديلرندن استفاده ممكن اولان بر قوت
تشكيل ايدرلر ، بونلره قارشى اصلا حرب ايدلامليدر . »
ج . ن .

يكي كوى ۳۰ ايلول ۱۳۲۹

مدینه اعتباریله غربه تمثیل مجبوریتنده بولونان مسلمانلری
الحظاطدن قورتارمق ایچون اسلامی اساسات اعتباریله عصر -
سمادته تطبیقات اعتباریله عصر حاضره ارجاع و توفیق ایتمک
ضرورتی واردر . حکمت اسلامیته نیک اری رکن اساسی اولان
فقه و کلامک سنت نبویه و مصلحت اجتماعییه موافق بر صورتده
تصفیه و توسیعی هم صنف منورک تدبینه ، هم صنف متدینک
تنویزیه باعث اوله حقدر . »

بو دستورک اتحاد و ترقی راپورینه ادخالندن طولانی
جمعی تبریک ایدر و اولانجه قوتله آلقیشلارم . فقط
لایحه اعتباریله زنکین و فعلیات نقطه نظرندن زوکورد
اولان بو مملکتده ینه اعتدالمی بوزمیهرق جمعیه رومالیرک
Acta non verba « قالدن زیاده فعل لازمدر . »
کلام کبارینی تکراردن فارغ اوله مام .

بو کون ملتک حضور محاکمه سنه قویدیم « تاریخ
استقبال » مک قسم نایدی همان همان اتحاد و ترقینک
مؤاخذه اجرا آتته حصر ایدلشددر .

بو ائرده ، بز ، مخالفلرک یاپیشدقلری نقطه نظرندن
دکل ، دهها بشقه ، عینی زمانده تاریخی و خیرخواه بر
نقطه دن ، اتحاد و ترقینی تنقید ایدیبوروز .

تاریخ استقبال

حوصله مه بر درلو صیغه میان وقایع دماغی عاداتا
بر حالت مرضیه به القا ایتشدی . اویقوم کلیوردی .
او قانلی حادثات ، دلخراش هزیمتار ، بتون طرابلس و
روم ایلی به استیلا آیدن پریشانی ، ذهنلره ، أمللره ،
وجدانلره ساری اولان کشمکش موازنه اعصابی
بوزمش ، بنده تفکره دکل ، تحسسه بیه مجال بر اقامشدی .
کیجه ، یواش یواش ، اذیتلی اذیتلی کچیوردی . ساعتار
بر دشمن اردوسنک و طنک صیرتندن کچمسی کبی ،
بنم روح و وجودی تصدیع و تخریش ایدرک آهسته
آهسته اوزرلندن مرور ایدیوردی . قارشی ساحل
کورینه جک درجده شفق سوکیوردی . نهواده ،
بنم کبی ، مغموم و درناک ایدی . صیقینتیلی بر فورطنه
دکزه حکم ایدیوردی . یاغفور دامله لری سیرک سیرک ،
فقط ملول ملول دوشیور و آره صره نوحه یه بکزه یین
بر روزگار ، دلیکلردن ، دشیکلردن کچرکن بکا قوصوه
شهیدلرینک اینتی ترجمه ایدیوردی .

بی تاب ، یتاغده یوارلئیورددم . اوکده کی منظرده
بر تبدل حاصل اولدی . اعصابه حکمفرما اولان تلا-
طمده ، بر درجه یه قدر ، سکونت بولشدی . کوزلرم ،
اوکده ، پایانسز اووه لری ، یتیم دره لری ، بی کس طاغلری ،
بی روح انقاضی ، بی سایه آغاچلری ، بی پدر اولادی ،
یاوروسز قالمش والدلری تماشا ایدیوردی .

اوت ! بو اووه لری ، بو جامع خرابه لرینی ، شو-
مزارلقاری بیلیورددم . هله ، یشیل ایکن ، شو آغاچلقلرک
ایچندن چوق کچمش ایدم . چوجوقلغمک بر قسم مهمی
شو آطده ، او میروسک طاشقلرنده ، ساحلارنده صید-
الهام ایتدیکی شو اساطیری وطنده مرور ایتشدی .
پدرمک ، والدہمک طوغدینی برلری واقعا کوزلرمه
کورمامشدم ، فقط ، آنلری عیون ماده مله کورمکدن
مستغنی ایدم : قعر شخصیتمه ، طوغماقلغمه برابر ،
اب و مادرمک ایچلرنده بیودکلری لوحه ، محکوک ایدی .
بتون بو خرابه زارلرده اک سودیکم کیمسه لری ، اک
تقدیر ایتدیکم منظره لری آرادم . کندیمی بیله ، آق دکزک
او مألوف ساحلارنده ، اوزون مدت آرادم طوردم .
هیات که جمله سنک ، حتی جمله مزک قدیدلرندن ، مستحانه-
لرندن ، مزارلرندن بشقه بر شی بوله مدم . خفیف بر

یانغین دومانی ، ظلمانی بر بولوط شاکلنده ، منظره نك
فوقنده طور یوردی . اوزون مدت خرابه لرده طولاشدم .
طی مکان قابلیتینه مظهر اولدم و طونه بویندن فزانه قدر
شو رمادستان حزینی کوردم . عقاب موت مشئوم اوسیاہ
قنادلرینی آچمش روم ایلی بی سایه سنده اویوتیوردی .

هیچ بر ذی روح ، هیچ بر بقیه السیف قارشیمه
چیقوبده بکا کن کچندن خبر ویرمدی . شهادتی مزار-
لرندن قالدیروبده استفکار ایتک ایسته مدم : زواللیلرک
حضورینی بوزمق المدن کله مزدی . اورالرده ، بر مسجد
حوایسنه ، بر بیغین شهید کیکی آتمشاردی . برینک
باجاق کیکی دیکرینک قفا طاسنه ، بر بشقه سنک عمود
فقاریسی بر دردنجیسنک قابورغه کیکلرینه کیرمشدی .
زوالی غازیلر ، بو عظامستانده بیله بر برینه قارشمقله
بدیع بر لوحه اتحاد و اخوت عرض ایدیورلردی .

مسجد تنها ، فقط طوقونولامش ایدی . امامی ،
مؤذنی ، قیومی یوقدی . قیوسنی آچدم ؛ مهما امکان
اورو محکلمرینی ، سوپرونیلرینی طویلادم . بر کافرک
محرابک اوزرینه یازدینی شتومی سیلدم و هان اوراده
اوطوردم . او دقیقه ده بکا بر حدت کلمشدی . آرتق
محزون دکل ، غضوب ایدم . او آراتق انقاص و خرابات

آلتنده قالمش بر پیر ایچری به کیردی و نمازه طوردی .
عبادتی بیتد کدن صکره ، بکا خطاباً :

— وقت کچور ، نهدن نماز قیلیمورسک ؟ کبی
برشیلر سویلیدی ایسه ده جواب ویرمدم و بر اشارت ایله
کندیسنی صاودم . کیمه عبادت ایدیم ؟ عرض عبو -
دیتدن اول بنم ایستیه جک حسابم وار . یا ارحم الراحمین ،
ای بزى انا فتحنا لک فتحاً مبیناً نصی ایله غریقی بشارت
ایدن معبود مسلمین ! نزهدهسک ، سوزلرچی ، درگاه
جلالکه رفع ایتدیکم مناجاتی عجا سکا طویوره بیلور -
می یم ؟ دین حقک کفارک مهمیزی آلتنده مختضر در .
سنک بارگاه احدیتکه دعالرخی ایصال ایچون مسلم قوللریک
کشاد ایتدکاری و عصرلردن بری ایچارنده طابندقلری
جامعلر آلرندن نزع ایدلدی . علمک یرینه چلییا ،
منارنک شرفهسنه ناقوس قوندی . « یاسین » اوقونان
جامع کوشه لرنده ، بوکون ، بلغار سواریلرینک بارکیرلری
کیشینور . یا سمیع و بصیر ! بونلری طویمیور و کور -
میورمیسک ؟ سنک ملت منتخبهک بز ایدک ؛ بز شمدی
وله بخشای تاریخ برظلمه اوغرا مقده یز . ای علام الغیوب !
بو بارز حقیقتی بیلیمورمیسک ؟ . . دردمنزی سکا

نصل بیلدیرهیم ؟ ای قادر و قیوم ! عرض جلال و جمال
ایت ؛ سنی کورمک ، سنک رقتکی جالب ایتمک ایستهرم ...
ساعتلرجه ، بوش مسجده ، بویلهجه سسویاندم
طوردم . اقسامه طوغری فتورم زیاده لشدی . توانمده
ا کسامشدی . هرچه باد آباد اورادن چیقدم . بر مدت
یورودم . مقصدسز ، هدفسز یورودم طوردم . سانکه
غایه آماله طوغری کید یورمشم کبی ، فقط ، نه ایچون
کیتدیکی بیلمه دئ ، متصل یورویوردم .

دشمنلرک طیرمانغه جسارت ایده میه جکلری صارپ
فقط کوزل بر طاغ کوزمه ایلشدی . اورایه چیقمق
آرزوسی بنده زیاده لشد کجه قوتم ، مجالم ، توانم آرتیوردی .
تپیه برخطوه یا قلاشد کجه ذروه نک منظره سی بر آزدها
کوزلشیوردی . حتی ، شوق و خواهشده بو لطافت
طبیعه ایله متوازیاً ایلریلیوردی . عالمه حاکم بر حجر رصد
کبی طاعنک ذروه سی کوزمده تجسم ایتدی . بیوک بر غیرت
ایله طیرمانیوردم . عادتا ، لطیف و خفیف بر قوش کبی ؛
طیران ایده جکم کلیوردی . اوچق ایچون تمایل کوستریور
فقط صکره خاک کی اولدیغم عقلمه کلهرک انکسار خیالمی
موجب اولیوردی .

عاقبت ذروه په پک یقین بریره کلدم . بر طرفده

مولود و حزين سلانيك ، قره برون ، ديكر طرفنده واردار
صانكه جان چكشيورلردى . [*]

بو طاع ، بك او قدر يوكسك اولماقده برابر ،
اوزندن همان بتون جهان كوزيله بيله جك درجه ده رفيع
ايدى . بر بهار دائى ، صانكه ، شاهقه ده ، ابدى دوام
ايدوردى . فقط اورالده قالمغه كوكلم قائل اوله مدى .
اك يوكسك نقطه ، قطب كى ، بنى چكوردى . حتى
بر ايكي دقيقه استراحتمه بيله امكان ويره ميه جك درجه ده
بر جاذبه قويه بنى يوكسكلره دعوت اتمكده ايدى .

نهایت جهانہ حاکم الك يوكسك نقطه شاهانه چيقدم .
بر شى طوع ايدر كى اولدى . كوزلر مه عارض اولان
بر آن مشوشيتدن صكره كندى روحانى لقا ، عظمتلى ،
عديم التخیل ، بك بيوك فقط او درجه ده كوزل ، ذى وقار
و ذى كبريا بر قادينك حضور چشمتمده بولدم . آنك
اوراده حكمران اولسى ايله جمهور آلهاندن هيچ برى
محافظة موقع ايدمه مامشدى . بناء عليا بو پرى ذى شوكت

[*] ذروه اساطير اولين معبودلرينك مقرى اوله مپ
(اوليموس) دن كناية در . معلوم اولديغى اوزره بو مستجمع -
المجائب طاع سلانيك كورفى ساحلنده كاشدر .

تپه‌ده ، شريك و نظير دن مجرد فرمانفرمای ماضی و
آتی ایدی .

قادینك حضور هایوننده ركوع ایتدم . [*]
کورديکم معاملهٔ جميله انبساطمی موجب اولدی و
عرض حال ایتمکلکم قرین مساعده بیورلدی . اولانجه
فصاحتله دردلمزی سویلدم . شهنامهٔ مصائبی
اوقودم و آغلادم . قادین ، فوق سریر هییتنده عادتا
بی حس ایدی . کندیسنه یالواردم یا قاردم . مسجده
اوزون مدت مناجات ایتدیکم حالده ربمک مظهر غفرانی
اوله مدیغمی اکلاندم . بو قدر حسنن طور مامسنی ،
بزمده محتاج مغفرت بر بیچارگان ملتی اولدیغمزی سویلدم .
کوزل کوزلری ، اصلا متأثر اوله دن ، بکا منصوب ایدی .
قادینك ملاححت روحانیسی سوزلر مه بیوک بر آهنگ
ویریوردی . بلاغم دقیقه دن دقیقه یه آرتیوردی . اوسمای
وجیهک جبروتی بی الک بیوک خطیبلرک سویه سنده ناطقه .
پرداز ایتمکلده ایدی . آیاقلرینه قاپاندم . ملتتمک قصورلرینی
استعفا ایتدم . بو قدر بیوک و هییتلی بر ملاحظه بر آزده

[*] بری تاریخ قلیثودن کنایه در .

رقت و مرحمت شایان اولدیغنی سوبلدم . فقط ینه قادین ،
برهیکل جامد ایمش کی ، طونوق بروضعیتده طور یوردی .
آغلادم . « دمع دمامد جریانم » کندیسنه هیچ بر تأثیر
ایتمیوردی . سنک کی بر آلهه کمال و جمال حسسز اوله نماز ،
البته ، وضع و طور کده بر حکمت وار ، فقط بنم کی
سافلار بویله معمالری حل ایتمکدن عاجز درلز ، لطف ایت ،
کرم ایت ، بکا اسرار بالغه کی بیلدیر ! دیدم ایسه ده
پرینک لاقیدلنی کیتدکجه زیاده لشیوردی . بو حالدن اصلا
فتور کتیرمدم . تکریر استرحاماتی کندمه وظیفه
بیلمشدم . آیاقلرینه صاریلدم ، آستانه کوزمی ، یوزمی
سوردم و اک کور سیمله باغردم :

— ای پریء تاریخ و زمان ! اعصار سنک دون
پای حشمتکده مغلوب و ناتواندر . سن ماضی بی تدویر
ایتدیکک کی استقبالده حاکمک . سنک ایچون ماضی
و استقبال یوقدر . سن آنلردن منزه ، آنلرک فوقنده سک .
بو بیوک قدرته حسسز و لاقید اولمق منافیدر ، بو طور
سنک شان درخشان و آن خندان و عرفان بی پایانکه
یاقیشماز . بزه بیوک بر عزم و ارادت احسان بیور ،

تا که ، سنک بازیچهٔ انامل بدیمهک اولان (تاریخ استقباله)
بز زواللی ترکارده بر موقع صاحبی اولام ا دیدم .
پری ، انجام کار ، رفته کلدی . آیغه قالغدی و سوز
سویله دن کندیسنی تعقیب ایتمکلکمکی اشارتله امر ایتدی .
هیچ بر فاینک داخل اوله مدینی بر حریمه کیردک .
صاعده ماضی ، صولده آتی عیان عیان کوریلیوردی .
وقایع ، پری ذی شہامتک امری ایله ، بیوک بر سر عتله
اوکزدن کچدی .

مہابتلی بر ترک اردوسی ، بر طرفدن بالقاناری
کچیور ، لوی ساقط عثمانی طراقه لرله شبقه یه ، اکیوکسک
شواہقه رکز ایدیوردی . دیگر طرفده بر قول اردو ،
قوصوه ملخمه سنده ، جلادت خداوندکاری تنظیم ایتمکده
ایدی . اعدا ، فتح قسطنطنیہ ده اولدینی کی هر طرفدن
« کیریہ آله یسون ! » فریادیله ، چیل یاوروسی کی ،
قاجیشیور و ترکر اخذ انتقامده عرض جلادت ایدیور .
لردی . دهشتلی و بیوک بر فرقه واردان ساحلر نده
یونان اردوسی هیچ بر نفر قالمینجه یه قدر محو ایتمش ،
اوکزه طوغری ایلر ایدیوردی . سلانیک آاندی . بر

کوچک مفرزه ، کنج ، کوزل ، شیجیع بر ضابطک
قومانداسی آلمنده بزه طوغری کلیوردی . اوله مپده
ضبط ایدلدی . پری زمان قلیئو بو لوحه مهابتک قار .
شیسنده آرتق محافظه لاقیدی ایده میوردی . بر غلیان
ایله کندیسنی بتون غنائم آتی ایله ترک ضابطنک ید غالبیتنه
تسلیم ایتدی .

یکی کوی ۲۹ ایلول ۱۳۲۹

ترکلی متری میمیدر ؟

ترک سلطنت و حکومتی فلا کتدن فلا کتده اوغرییور .
سلیمان قانونینک ایمپراطور لغندن آنجق بر قسمی ، بوکون ،
آل عثمانک تحت تابعیتنددر . اوفق ، تفک ضایعات
ارضیه دن صکره ، ۱۲۹۳ ده روم ایلینک بر قسم مهمی
آلدن کیتدی . دولت ایلیک مهم مقاسمه یه اوغراددی .
۱۳۳۰ ده ایسه ایکنجی مقاسمه وقوعبولدی . اورویا -
ده کی ایمپراطور اغمزدن یالکز قسماً آدرنه ولایتی ، بر
یادکار تاریخی کبی ، آلیزده قالدی . غرب ، کوندن کونه ،
حاول و نفوذ مصالحانه سنده دوام ایدیور . حاصلی تدنی
و سقوط ایدیورز .

عجبا بو پریشانینک اسبابی ملت ممتازه اولان ترکلیک
تردیسیمیدر ؟

روما ، دوره شکوهندن صکره ، تفسخ ایتشدی .
هرکس ، بوکون یارین حکومتک انقراضنی بکلوردی .
کذک ، اندلسده ده ، ازمنه اخیرده ، خلق ، انقراضه

منتظر دی . مصرده ده بویله اولدی ، یونانستانده ده بشقه
درلو اولمادی . ایران قدیمه ، نینوده ده ، بابلده ، هپ
عینی قانون اجرای حکم ایتدی .

عجیبا بزده - منحصر آ ترکاردن بحث ایدیوروم -
ژان ریشپه نك تصویر ایتدیکی رومالیلر کی عموماً و بلا -
استثنا بوزولوق ، چورودک ، متفسخ اولوق ، جیو -
یقلشدقده آنک ایچونمی دولتمز بویله یوارلنیور ؟

بوقسه سلطنت عثمانیه نك وضعیت حاضره سی ، ایکی
دفعه کرفتار مقاسمه اولسی ترك ملتک تردی و انحطاط -
طندن بشقه بر شیه می حمل اولونه بیلیر ؟ بر ملت تردی
ایتمدن آنک ممثلی اولان حکومت انقراض ایده بیلیر می ؟
بونک امثال تاریخیه سی وارمیدر ؟

بو سؤالر بتون عثمانلی تاریخی و ترك ملتک رو -
حیاتی احتوا ایدر .

امکان دائره سنده شو حقیقی میدان چیقارلم و بزہ
مستولی اولان شو سیسی ازالیه چالیشلم .

بو حکومتک مدار قوام و قیامی ترکاردر . بوقضیه
خارجنده هر نه دینیرسه هذیاندر . ترك اولیان سر آمدانده
ترکشمشدر . سلطنت ترکدر . خاندان ترکدر . سراین حکو -
متده جریان ایدن ترک قانیدر . جلد عثمانیک شیرازه سی ترکدر .

اوت ! تركدر ، فقط ، معنای خصوصی* تورانیسیله
ترك دكلدر . عثمانلی تركيدر . بو عسرق تركبات مهمه
عسرقیه و تشكلات مديده تاريخیهك محصله سيدر . ترك
غايه سی جهانكيرلك ، حاكملكدر . ترك تابع اوله یی
بیامز . ترك ، خاصیت علویه سی اعتباریله ، متبوعدر .
آنك ایچون اقتصادیاته نظر لاقیدی ، حتی ، چنم استحقار
ایله باقار . رومالی پاتریجیان نه ایسه تركده اودر . ترك
اصیل زادهك و یا عواملق فرقارینی بیلمز ، چونكه ،
اساساً اصیلدر .

تركلرله انكلیزلر بر مشابته ارائه ایدرلر . فی الواقع ،
الیوم ، تركلر و تركلك وضع ، حتی ، حقیر بر وضعینده
بولونیور . فقط بو حال موقت بزه آلتیوز سنهك بر ترك
عثمانلی ، بیك كسور سنهك بر ترك تاریخنی اونوتدیر .
ماملیدر . بر قاچ انكلیز جهانه حاكم اولدی . بر كوچك
ترك قبیله سی تاریخك كوردیكی اك بیوك ایمراطورلقاردن
برینی تشكیل ایتدی . تركلر (شهواله رسق) بر ملت
اركاندندرلر .

تركلرك ماهیتی جسدی بر تبعه لایقیدر . بو ماهیتی
كالیله آكلایه جق اولورسوق اسباب انحطاطمزدن بهضارینی
تركلرك تردیسندن بشقه زلرده آرامق مجبوریتنده بولنه جغز .

(عمومی نقطه نظرندن) سویدیهلم که انحطاط و
 نزدی عقبه لرینه دوچار اولان ملتیز ، علی الاکثر ، ابتدا
 بیوک بر انتظامه ، صاعلام بر اداره به مالک اولورلر .
 صکره تربیه عمومیه *Culture générale* ایله رفاهیت
 عامه باشلار . فضله بر فعالیت ، فضله بر سعی و عمل ،
 آشیری بر تجارت رونما اولور . تربیه عمومیه بر اینجه لک
 تولید ایدر . هر شیئی افراطه اوغرار . فضله پاره ایسه
 تنبلیکی ، تنبلیکده عیش و نوشی ، مختلف موازنه ستر -
 لک لکری انتاج ایتمک قابل دکلدیر . بطن حاضر بطون
 سابقه نك مانعاسیه کچینیر . چالشمه بی زائد کورور .
 ادبیات مردلکنی غائب ایدر ؛ بر « بیزانتینیزم » میدانه
 کلیر . قادینلر چیغیرندن چیقار . فحشیات چوغالیر .
 داءالکثول تخریبات یاپار . قادینلر ، بنساء علیه ملت ،
 آرتق طوغورماز . فداکارلق ، جلادت ، تشبثات شخصییه
 آرتق اهمیتلرینی ضایع ایدر . ملت ، مرد ایکن محنت
 اولور . کوشکلک ، رخاوت ، عطالت ، ریپیلک ، ارادت
 نقصانی ، تردد ، قورقو ، فرط تدبیر ، پک چابوق متأثر
 اولوق خاصیتی ، نشئه سزک ، کونی خوشجه کچیرمک
 ابتلاسی ، اولانجه دهشتیه ، عضویت ملییه داخل اولور .
 هرکسه بر بدینلک چوکر .